



Buat enam minggu berturut-turut harga runcit bagi RON97 naik lagi. Untuk minggu bertarikh 16-22 Mac, RON97 dilaporkan naik 8 sen seliter, menjadikannya RM2.54 seliter berbanding minggu sebelum ni dengan RM2.46 seliter.

Walau bagaimana pun, harga runcit petrol RON95 dilaporkan masih kekal di paras RM2.08 seliter. Begitu juga dengan harga runcit diesel yang juga masih kekal pada RM2.18 seliter untuk Euro 2M dan RM2.28 seliter bagi Euro 5.

Menurut kenyataan yang dikeluarkan oleh kementerian kewangan, berdasarkan pengiraan di bawah formula APM, harga runcit produk petrol RON95 dan diesel bagi tempoh 16 sehingga 22 Mac 2019 sepatutnya adalah sebanyak RM2.24 seliter dan RM2.37 seliter masing-masing.

Namun, harga runcit produk petrol RON95 dan diesel bagi tempoh di atas adalah dikekalkan masing-masing pada paras RM2.08 seliter dan RM2.18 seliter berikutan keputusan kerajaan untuk menyekat kenaikan harga runcit produk petroleum demi mengurangkan beban kewangan rakyat.

---